



TOSHKENT DAVLAT YURIDIK UNIVERSITETI REKTORINING B U Y R U G ' I

14.11.2024

204-um-son

Toshkent davlat yuridik universitetida Faxriylar kengashi faoliyati samaradorligini oshirish to'g'risida

O'zbekiston Respublikasi Prezidentining 2020-yil 29-apreldagi "O'zbekiston Respublikasida yuridik ta'lim va fanni tubdan takomillashtirish bo'yicha qo'shimcha chora-tadbirlar to'g'risida"gi PF-5987-son Farmoni, 2023-yil 11-martdagi "Keksa avlod vakillarini har tomonlama qo'llab-quvvatlash hamda ularning ijtimoiy faolligini oshirishga doir qo'shimcha chora-tadbirlar to'g'risida"gi PQ-92-son qarorida belgilangan vazifalar ijrosini ta'minlash, Toshkent davlat yuridik universitetida Faxriylar bilan ishlash tizimini yanada yaxshilash, yuridik ta'lim sohasida uzoq yillar davomida samarali mehnat faoliyatini olib borgan faxriylarning boy tajribalaridan ta'lim va tarbiya jarayonini tashkil etish, yoshlarni ilm-fanga keng jalb etish jarayonida foydalanish, "Ustoz-shogird" an'analarini munosib davom ettirish hamda O'zbekiston faxriylarining ijtimoiy faoliyatini qo'llab-quvvatlash "Nuroniylar" jamg'armasining 2024-yil 16-oktyabrdagi 06-01/415-son xatiga muvofiq

B U Y U R A M A N

1. Quyidagilar:

Toshkent davlat yuridik universitetida Faxriylar kengashi faoliyati 2020-yil sentyabr oyidan buyon faoliyat yuritib kelayotganligi;

Universitet Faxriylar kengashi raisi sifatida Davlat va huquq nazariyasi kafedrası professori Boboyev Halim Boboyevich faoliyat yuritib kelayotganligi inobatga olinsin.

2. Toshkent davlat yuridik universiteti (bundan buyon matnda – TDYU) Faxriylar kengashi faoliyati O'zbekiston faxriylarining ijtimoiy faoliyatini qo'llab-quvvatlash "Nuroniylar" jamg'armasining 2024-yil 16-oktyabrdagi 06-01/415-son xati bilan taqdim etilgan namunaviy nizom asosida tashkil etilishi belgilab o'tilsin.

3. TDYU va uning tizimidagi ta'lim muassasalarida faxriy ustozlarni e'zozlash, ularga hurmat ko'rsatish, yubiley sanalarini munosib nishonlash faoliyatining asosiy me'zoni sifatida belgilansin.

4. Prorektorlar va tarkibiy bo'linma rahbarlari TDYUda ta'lim-tarbiya

jarayonini tashkil etish, yoshlarni ilm-fanga qiziqtirish hamda o'z faoliyatlarini samarali tashkil etishda Faxriylar kengashi a'zolarining boy tajribalaridan foydalanish choralarini ko'rsin.

5. TDYUda Faxriylar kengashi faoliyatini samarali tashkil etish, Faxriylar kengashi yig'ilishlarini tashkil etish, ularning faoliyatini tashkil etishga ko'maklashishga mas'ul sifatida Ommaviy huquq fakulteti (Sh.Saydullayev) mas'ul etib belgilansin.

6. Ma'naviyat va ma'rifat markazi (Sh.Po'lotov), Kadrlar bo'limi (S.Mamanazarov) hamda fakultet dekanlari:

Universitet faxriylarini e'zozlash, ularga hurmat ko'rsatish hamda Faxriylar kengashi faoliyati bo'yicha xodim va talabalar o'rtasida tushuntirish ishlarini olib borsin;

xodim va talabalarning axloqiy, tarbiyaviy fazilatlarini yuksaltirish, yoshlarni ilm-fanga qiziqtirish, ularda Vatanga muhabbat, daxldorlik va shukronalik tuyg'ularini shakllantirish, tanlagan kasblariga bo'lgan muhabbatlarini oshirish borasida Faxriylar kengashi a'zolari bilan muntazam uchrashuvlar tashkil etish choralarini ko'rsin;

universitet Kasaba uyushmasi (M.O'razaliyev) bilan kelishgan holda faxriylarning holidan doimiy xabar olish, ularga hurmat ko'rsatish, yubiley sanalarini munosib o'tkazish hamda ularni ijtimoiy-ma'naviy qo'llab-quvvatlash choralarini ko'rsin;

"Ustoz-shogird" an'analariga muvofiq talaba va yosh xodimlar bilan Faxriylar kengashi a'zolari o'rtasida doimiy "Muloqot ko'prigi"ni tashkil etish choralarini ko'rsin.

7. Moliya-iqtisod masalalari bo'yicha prorektor A.Iminov Faxriylar kengashiga kengash faoliyati uchun zarur bo'lgan moddiy-texnik vositalarni ajratish choralarini ko'rsin.

8. Mazkur buyruq ijro nazorati birinchi prorektor A.Xashimhanov hamda prorektor A.Iminovlar zimmasiga yuklatilsin.

Rektor v.v.b.



I.RUSTAMBEKOV

Toshkent shahar

Kiritildi:

Direktor

SH.PO‘LOTOV



Kelishildi:

Yoshlar masalalari va ma‘naviy-
ma‘rifiy ishlar bo‘yicha birinchi
prorektor

A.XASHIMHONOV



Moliya-iqtisod ishlar bo‘yicha
prorektor

A.IMINOV



Katta yuriskonsult

A.TURSUNOV



Bosh mutaxassis

D.ABDULLAYEV



Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo‘lgan)

SH.SAYDULLAYEV



Professor (fan doktori yoki fan
doktori (Doctor of Science) ilmiy
darajasiga yoki xorijiy davlatlarning
unga tenglashtirilgan boshqa ilmiy
darajalarga va professor ilmiy
unvoniga ega bo‘lgan))

M.O‘RAZALIYEV

